

JU KULTURNO SPORTSKI CENTAR
BUGOJNO

Broj: _____/
Bugojno, 15.01.2008.

P R A V I L N I K
Teatarski festival BiH FEDRA Bugojno.

Član 1.

Naslov Festivala je: Teatarski festival BiH FEDRA Bugojno.
Skraćeni naziv Festivala je: FEDRA. U naslovu Festivala svake godine se mijenja redni broj.

Član 2.

Teatarski festival BiH FEDRA Bugojno je stalna ustanova i održava se svake godine.
Sjedište Festivala je u Bugojnu. Nositelj organizacije i administrator Festivala je Kulturno sportski centar Bugojno.

Član 3.

Festival je sljedbenik tradicionalnog Festivala dramskih amatera BiH FEDRA, koji je zadnji put održan 1991. godine u Bugojnu. Slijedeći Festival po redu je 34.

Član 4.

Zadatak i cilj Festivala je unapređenje neprofesionalne teatarske umjetnosti i pomaganje razvitka dramske književnosti. On to postiže takmičenjima, nagrađivanjima i ostalim oblicima kulturnoumjetničkog rada koji vode tom cilju.

Član 5.

Pravo sudjelovanja na Festivalu imaju sve formalne i neformalne neprofesionalne teatarske grupe iz Bosne i Hercegovine.

Član 6.

Festival je takmičarskog karaktera. Svake godine formira se tročlani žiri od istaknutih teatarskih radnika i teatarskih kritičara.

Član 7.

Svake godine žiri proglašava najbolju predstavu u cjelini. Pored te nagrade žiri može da dodjeli još nagrade: za najbolju režiju, za četiri najbolja glumca (mušku, žensku, mušku epizodnu, žensku epizodnu), za najbolju scenografiju, za najbolju kostimografiju i za najbolji dramski tekst ako je djelo živog domaćeg pisca u praizvedbi. Ako festivalske predstave ne pružaju uslove, žiri ne mora da se drži naznačene kategorizacije.

Član 8.

Nagrada za najbolju predstavu u cjelini je novčana u iznosu od 1.000 KM. "Nagrada za najbolju režiju – IDEA PLUS" je novčana u iznosu od 500,00 KM. Uz novčanu nagradu dodjeljuje se i plaketa. Ostale nagrade nisu novčane, nego su u obliku plaketa i diploma.

Član 9.

Svake godine Festival ima selektora koji od prijavljenih kandidata samostalno izabira sedam predstava za ZVANIČNI PROGRAM i nekoliko predstava za PROGRAM FEDRA PLUS u dogovoru sa organizatorom Festivala.

Član 10.

U toku Festivala održava se savjetovanje i okrugli stolovi o Festivalu za njegove izmjene i dopune na osnovu prijedloga učesnika.

Član 11.

Za vrijeme Festivala nakon svake odigrane predstave žiri će održati razgovor sa učesnicima u predstavi.

Član 12.

Za vrijeme Festivala svaki dan će se štampati BILTEN Festivala. Svi učesnici Festivala će na završetku Festivala dobiti po jedan komplet BILTENA.

Član 13.

Zapisnik sa savjetovanja i okruglih stolova će se redovno voditi i štampati u Biltenu.

Član 14.

Troškovi Festivala se raspoređuju:

- troškove puta snosi svaka teatarska grupa za svoj ansambl,
- troškove boravka na Festivalu snosi organizator,
- teatarske grupe koje su udaljene više od 100 km od Bugojna imaju obezbjeđenu večeru, spavanje i doručak,
- teatarske grupe koje su udaljene manje od 100 km od Bugojna imaju obezbjeđen ručak i večeru.
- troškove nagrada, propagande, žirija i ostale troškove Festivala snosi organizator.

Član 15.

Ovaj pravilnik prihvaćen je od strane Organizacionog odbora na sjednici održanoj 18.01.2008. u Bugojnu i može se mijenjati od strane Organizacionog odbora na vlastite prijedloge ili prijedloge učesnika Festivala.

Za JU KSC-e
PREDSJEDNIK OO

/ Vahid Duraković /